

6-§. Konsolidasiyalashgan moliyaviy hisobotga kiritish uchun sho'ba (tobe) xo'jalik jamiyatlari, mustaqil balansga ajratilgan tarkibiy bo'linmalarning moliyaviy hisobotini qayta hisoblash

31. O'zbekiston Respublikasidan tashqarida joylashgan sho'ba (tobe) xo'jalik jamiyatlari, mustaqil balansga ajratilgan tarkibiy bo'linmalarning moliyaviy hisobotlarini bosh jamiyat tomonidan tuziladigan konsolidasiyalashgan moliyaviy hisobotga kiritish uchun qayta hisoblashda bosh jamiyat quyidagi tartib-taomillarni bajarishi kerak:

a) O'zbekiston Respublikasidan tashqarida joylashgan, sho'ba (tobe) xo'jalik jamiyatlari, mustaqil balansga ajratilgan tarkibiy bo'linmalarning aktivlari va majburiyatlari hisobot davrining oxirgi sanasidagi Markaziy bankning kursi bo'yicha qayta hisoblanishi lozim;

b) O'zbekiston Respublikasidan tashqarida joylashgan sho'ba (tobe) xo'jalik jamiyatlari, mustaqil balansga ajratilgan tarkibiy bo'linmalarning xususiy kapitali moddalari, bundan joriy yilning taqsimlanmagan foydasi (qoplanmagan zarari) mustasno, hisobot davrining oxirgi sanasidagi Markaziy bankning kursi bo'yicha qayta hisoblanishi kerak;

v) O'zbekiston Respublikasidan tashqarida joylashgan shu'ba (tobe) xo'jalik jamiyatlari, mustaqil balansga ajratilgan tarkibiy bo'linmalarning daromadlari va xarajatlari moddalari, shuningdek taqsimlanmagan foydasi (qoplanmagan zarari) hisobot davridagi Markaziy bankning kurslari va ular amal qilish kunlari hosilalari

summasini hisobot davridagi kunlar miqdoriga bo'lish natijasida hisoblab chiqarilgan kurslarning o'rtacha miqdoridan foydalangan holda qayta hisoblanishi lozim.

32. O'zbekiston Respublikasidan tashqarida faoliyatning tasnifi o'zgargan hollarda, o'zgargan tasnifga nisbatan qo'llanadigan qayta hisoblash tartib-taomillari ushbu o'zgarish sanasidan boshlab foydalanilishi lozim.

